

15 APR 1998

AGONG UTUS TAHNIAH KEPADA RATU DENMARK

KUALA LUMPUR, 15 April (Bernama) -- Yang di-Pertuan Agong Tuanku Ja'afar hari ini mengutus perutusan tahniah kepada Ratu Margrethe II sempena ulang tahun kelahiran Ratu Denmark itu.

Seri Paduka berharap Ratu Margrethe II akan sentiasa sihat dan rakyat Denmark terus menikmati kemakmuran.

Menurut kenyataan Wisma Putra, Perdana Menteri Datuk Seri Dr Mahathir Mohamad juga menghantar perutusan kepada rakan sejawatannya Poul Nyrup Rasmussen sempena ulang tahun kelahiran Ratu Margrethe II.

"Malaysia dan Denmark sentiasa menikmati hubungan yang rapat. Saya berharap hubungan ini akan terus dipertingkatkan pada masa akan datang," kata beliau.

Menteri Luar Datuk Seri Abdullah Ahmad Badawi juga menghantar perutusan serupa kepada rakan sejawatannya Neils Helveg Petersen. -- BERNAMA

NHD NAK